

ԵՐԻՏԱՍԱՐԴԱԿԱՆ ՔԱՐՏԻ ՄԻՋՈՑՈՎ ԵՐԻՏԱՍԱՐԴՆԵՐԻ ՏԵՂԱՇԱՐԺԻ ՎԵՐԱԲԵՐՅԱԼ ՄԱՍՆԱԿԻ ՀԱՄԱՁԱՅՆՆԱԳԻՐ



Իսաղաղություն
սոցիալական
համախմբվածություն
միջմշակութային
երկխոսություն
մասնակցություն
մարդու իրավունքներ
ժողովրդավարական
քաղաքացիություն
հետազոտություններ

Երիտասարդական
քաղաքականության
մշակում

partial agreement on
**youth
mobility**
through the
EUROPEAN YOUTH CARD

COUNCIL OF EUROPE



CONSEIL DE L'EUROPE



PALAIS DE L'EUROPE

Որն է մասնակի համաձայնագիր :

Մասնակի համաձայնագիրը Եվրոպայի խորհրդի շրջանակներում համագործակցության մի հատուկ ձև է: Այն անդամ պետություններին հնարավորություն է ընձեռում միանալ կամ չմիանալ մյուս անդամ պետությունների կողմից սատարվող որոշակի գործունեության: Կանոնադրական տեսանկյունից Մասնակի համաձայնագիրը շարունակում է մնալ կազմակերպության գործունեություն, ինչպես ծրագրային մյուս գործունեությունները: Բացառությունն այն է, որ Մասնակի համաձայնագիրն ունի իր առանձին բյուջեն և իր սեփական աշխատանքային մեթոդները, որոնք որոշվում են միայն Մասնակի համաձայնագրի անդամների կողմից:

Երիտասարդական քարտի միջոցով երիտասարդների տեղաշարժի վերաբերյալ մասնակի համաձայնագիր :

Սա մի բաց մասնակի համաձայնագիր է, այսինքն՝ նրան միանալու իրավունք ունեն Եվրոպայի խորհրդի անդամ կամ Եվրոպական մշակութային կոնվենցիայի կողմ չհանդիսացող պետություններ (ավելի շատ տեղեկությունները՝ ստորև):

Մասնակի համաձայնագիրը Եվրոպայի խորհրդի Երիտասարդական բաժնի մի մասն է, ուստի հետամուտ է թե՛ երիտասարդական հատվածի և թե՛ ընդհանուր առմամբ Եվրոպայի խորհրդի գերակայություններին և նպատակներին:

ՆՊԱՏԱԿՆԵՐԸ :

1. Երիտասարդական քարտի ծրագրի մշակում

Այն ստեղծվել է 1991 թվականին, և նրա կանոնադրության մեջ նշված է՝ «Սույն մասնակի

համաձայնագրի նպատակը պետք է լինի մշակել Երիտասարդական քարտի ծրագիրը, մասնավորապես եվրոպական մակարդակում՝ հանուն երիտասարդների լավագույն շահերի՝ [...] նպատակ ունենալով դյուրին դարձնել նրանց շարժունությունը, ինչպես նաև նրանց համար տարբեր ապրանքների և ծառայությունների հասանելիությունը, որոնք անհրաժեշտ են նրանց անձնական և մշակութային զարգացման համար: Մինչև 30 տարեկան ցանկացած ոք կարող է դառնալ եվրոպական երիտասարդական քարտապան: Պարտադիր չէ, որ երիտասարդը լինի եվրոպական երկրի ուսանող կամ բնակիչ»:

Երիտասարդական քարտերը երիտասարդների, բնակիչների կամ ճանապարհորդների համար խորհրդատվական ծառայությունների, գեղչերի և արտոնությունների հասանելիություն են ապահովում շարժունակության, բնակարանի տրամադրման, մշակույթի, լեզվի դասընթացների և ծառայությունների ու ապրանքների ոլորտներում, ինչպես առցանց (ըստ կատեգորիայի, քաղաքի կամ երկրի), այնպես էլ՝ անցանց: Մեծ ուշադրություն է դարձվում երկարաժամկետ դրական ազդեցության համար մատուցվող ծառայությունների որակի զարգացմանը և չափմանը:

2. Երիտասարդական ավելի լավ քաղաքականությունների մշակում անդամ պետությունների հետ և նրանց համար

Երկրորդ նպատակը երիտասարդական շարժունության և երիտասարդական քարտի հետ կապված հարցերում անդամ պետությունների շահերը և կարիքները սպասարկելն է: Աշխատանքային ծրագիրն այնպես է մշակված, որ ստեղծում և մոբիլիզացնում է այս խնդիրների վերաբերյալ գիտելիներ, ծանոթացնում է լավագույն փորձին և այդպիսով առաջարկում քաղաքականության մշակման ավելի լավ լուծումներ (խորհրդատուներ, աշխատարաններ, գիտաժողովներ և այլն): Այս գործունեությանը հաջորդում են լավագույն փորձի վերաբերյալ հրատարակությունները և առաջարկությունները անդամ պետություններին ու եվրոպական երիտասարդական քարտի ասոցիացիայի (ԵԵՔԱ) անդամ ազգային կազմակերպություններին՝ որոշակի գործողությունների վերաբերյալ:

Աշխատանքային ծրագիրը բաց է Մասնակի համաձայնագրի կողմ չհանդիսացող երկրների մասնակցության համար՝ նրանց իսկ ծախսերով: Անդամ պետությունների ներկայացուցիչների մասնակցությունն ամբողջովին ֆինանսավորվում է:

Այդ նպատակով ակտիվացվում է շահակիր կողմերի մի լայն շրջանակ՝ կառավարությունները, եվրոպական հաստատությունները, գործարար համայնքը, փորձագետները, գիտնականները. Երիտասարդական հկ-ները, երիտասարդական քարտի ազգային կազմակերպությունները, ինչպեսև հենց իրենք՝ քարտապանները: Այսպիսով անդամ պետությունները թե՛ ակտիվորեն նպաստում են այս Մասնակի համաձայնագրի իրականացմանը, և թե՛ օգտվում են նրա փորձաքննությունից:

ԻՆՉՊԵՍ Է ԴԱ ԱՐՎՈՒՄ :

Գործողությունների ծրագիրը վերահսկում է Համակարգող խորհուրդը, որը կազմված է 17 անդամից:

- ▶ Այս մասնակի համաձայնագրի անդամ պետությունների 8 ներկայացուցչի նշանակում է Եվրոպայի խորհրդի Նախարարների կոմիտեն.
- ▶ Նրանք նշանակում են Եվրոպական երիտասարդական քարտի ասոցիացիայի 8 անդամներին
- ▶ 1 ներկայացուցիչ նշանակվում է Երիտասարդության հարցերով խորհրդատվական խորհրդի կողմից՝ առանց քվեարկելու իրավունքի:

Մասնակի համաձայնագրի աշխատանքային ծրագիրն իրականացվում է Եվրոպական երիտասարդական քարտի ասոցիացիայի (ԵԵՔԱ) հետ համագործակցությամբ: Այն շահույթ չհետապնդող միություն է, որը հիմնադրվել է 1987 թվականին: Այն ներկայացնում է երիտասարդական քարտի ավելի քան 40 ազգային կազմակերպությունների ամբողջ Եվրոպայից՝ շրջանառության մեջ ունենալով ավելի քան 5 միլիոն քարտ: ԵԵՔԱ-ի բոլոր անդամները հանձն են առել ինչպես անհատական, այնպես էլ համախմբված ձևով խթանել երիտասարդների շարժունությունը, առողջ կենսակերպը և ակտիվ քաղաքացիությունը երիտասարդների շրջանում:

մասնակի համաձայնագրին միանալու կարգը

Եվրոպայի խորհրդի անդամ պետությունների և Եվրոպական մշակութային կոնվենցիայի կողմ պետությունների համար՝

Այս անդամ պետությունները կարող են միանալ Մասնակի համաձայնագրին ցանկացած պահի՝

պարզապես այդ մասին հայտարարություն
ներկայացնելով Գլխավոր քարտուղարին: Դա
նշանակում է Եվրոպայի խորհրդի տվյալ անդամ
պետության Արտաքին գործերի նախարարի կամ
Մշտական ներկայացուցչի կողմից պաշտոնական
նամակ կամ շրջաբերական ուղարկել Եվրոպայի
խորհրդի Գլխավոր քարտուղարին:

Եվրոպայի խորհրդի անդամ և Եվրոպական մշակութային կոնվենցիայի կողմ չհանդիսացող պետությունների համար՝

Եվրոպական երիտասարդական քարտի
ասոցիացիայի և Մասնակի համաձայնագրի
Համակարգման խորհրդի առաջարկով,
Նախարարների կոմիտեն Եվրոպայի
խորհրդի անդամ չհանդիսացող ցանկացած
պետության կարող է հրավիրել՝ միանալու
Մասնակի համաձայնագրին՝ դրան արդեն
մասնակցող ԵՄ որևէ այլ անդամ չհանդիսացող
պետության հետ խորհրդակցելուց հետո:

Եվրոպայի խորհուրդը

Եվրոպայի խորհուրդը մի քաղաքական
համաեվրոպական կազմակերպություն է, որը
ստեղծվել է 1949 թվականին՝ Եվրոպայում
միջազգային համագործակցությունը, խաղաղությունը,
Ժողովրդավարությունն ու մարդու իրավունքները
խթանելու նպատակով: Այն մշակում է ընդհանուր
արձագանքներ մարդու կյանքի բոլոր ոլորտներում
առկա ընդհանուր մարտահրավերներին՝ բացի
տնտեսական և ռազմական ոլորտներից: Եվրոպայի
խորհրդի կազմում կա 47 անդամ պետություն, իսկ
50 երկիր Եվրոպական մշակութային կոնվենցիայի
կողմեր են՝ ընդգրկելով 820 միլիոն եվրոպացիների:

Եվրոպայի խորհրդի երիտասարդական ոլորտը

Եվրոպայի խորհուրդն աջակցում է երիտասարդների
ակտիվ դերին հասարակությունում եվրոպական
տարբեր գործողություններով՝ թե՛ միջկառավարական
համագործակցության և թե՛ վերապատրաստման
և կրթական միջոցառումների միջոցով, որոնք
նախատեսված են երիտասարդական հկ-ների
և երիտասարդ առաջնորդների համար:
Ստրասբուրգում և Բուդապեշտում գտնվող
Եվրոպական երիտասարդական կետրոնները,
Երիտասարդական եվրոպական հիմնադրամը
և Երիտասարդական քարտի միջոցով
երիտասարդների տեղաշարժի վերաբերյալ մասնակի
համաձայնագիրը կարևոր գործիքներ են՝ նշված
գործողությունների իրականացման համար:

Contact

Directorate of Democratic Participation
Youth Department (Agora Building)
Youth Policy Division
Partial Agreement on Youth Mobility
through the Youth Card
F-67075 Strasbourg Cedex
Tel.:+33 (0)3 88 41 29 98

youthmobility@coe.int
<https://www.coe.int/en/web/youth/youth-mobility>

www.coe.int

Եվրոպայի խորհուրդն առաջատարն է մայրցամաքում մարդու իրավունքներով զբաղվող կազմակերպությունների շարքում: Եվրոպայի խորհրդին անդամակցում են 47 պետություններ, այդ թվում՝ Եվրոպական միության բոլոր անդամ պետությունները: Եվրոպայի խորհրդի անդամ բոլոր պետությունները միացել են Մարդու իրավունքների եվրոպական կոնվենցիային՝ որպես մարդու իրավունքների, ժողովրդավարության և իրավունքի գերակայության պաշտպանությանը միտված միջազգային պայմանագրի: Մարդու իրավունքների եվրոպական դատարանը վերահսկում է Կոնվենցիայի իրագործումն անդամ պետություններում:



COUNCIL OF EUROPE



CONSEIL DE L'EUROPE